




ԵՎՐՈՊԱԿԱՆ ԵԿԵՂԵՑԻՆԵՐԻ ԿՈՆՖԵՐԱՆՍԻ ԽՈՐՀՐԴԱԿՑՈՒԹՅՈՒՆԸ ՄՈՍԿՎԱՅՈՒՄ

Սույն թվականի մայիսի 26—31 օրերին Մոսկվայում, «Սովինգենտը»-ի սրահում, տեղի ունեցավ Եվրոպական Եկեղեցիների Կոնֆերանսի (ԵԵԿ) հերթական՝ հինգերորդ խորհրդակցությունը, որի նշանաբանն էր՝ «Հուսո ղինամիկան—վստահություն, պինաթափում և խաղաղություն»:

Վեցօրյա խորհրդակցությանը, որը գումարվել էր Ռուս Պրավոսլավ Եկեղեցու հրավերով, մասնակցում էին տարբեր դավանությանց պատկանող Եկեղեցիների մոտ 70 ներկայացուցիչներ՝ ժամանած Եվրոպական տասնհինգ երկրներից, ԱՄՆ-ից և ասիական երկրներից: Հռոմեական Կաթոլիկ Եկեղեցին ներկայացնում էր Եվրոպայի Եպիսկոպոսական Կոնֆերանսի ներկայացուցիչը:

ԵԵԿ-ի 1979 թվականի ութերորդ համաժողովից հետո գումարված սույն խորհրդակցությանը, հանուն Հայ Առաքելական Եկեղեցու, իրենց մասնակցությունը բերեցին նաև Շիրակի թեմի առաջնորդ Ս. Նարեկ եպիսկոպոս Շաքարյանը և Դամասկոսի հայոց առաջնորդ և Հունաստանի հայոց թեմի հայրապետական պատվիրակ Ս. Ոսկան եպիսկոպոս Գալփաքյանը:

Մայիսի 26-ին, հինգշաբթի օրը, խորհրդակցությունն իր աշխատանքն սկսեց Տալլինի և Էստոնիայի միտրոպոլիտ և ԵԵԿ-ի նախագահ Ս. Ալեքսեյի աղոթքով: Այնուհետև

ԵԵԿ-ի գլխավոր քարտուղար դուկտ. Գլեն Գարֆիլդ Ուիլյամսը հանդես եկավ բացման խոսքով, որին հաջորդեց Մոսկվայի և համայն Ռուսիո Նորին Սրբություն Ս. Պիմեն Պատրիարքի՝ խորհրդակցությանն ուղղված շնորհավորական գրի ընթերցումը:

Լիազումար նիստերում ընդարձակ պեկուցումներով հանդես եկան Շվեդիայի պետական քարտուղարի օգնական տիկ. Ինգա Թորսոնը, ՍՍՀՄ գիտությունների ակադեմիայի աշխատակից պրոֆ. Ա. Ա. Կուցենկոն, Կրասնոդարի և Կուբանի առաջնորդ Ս. Վլադիմիր արքեպիսկոպոսը և պրոֆ. Հուբեր Վոլֆգանգը (ԳՖՀ): Ներկայացված չորս պեկուցումների թեմաներն էին համապատասխանաբար՝ «Եվրոպայի անվտանգությունը միջազգային խաղաղության կոնտեքստի մեջ», «Վստահություն, պինաթափում, խաղաղություն», «Հույսի ղինամիկան» և «Հուսո ղինամիկան և Եկեղեցիների խաղաղասիրական առաքելությունը»:

Խորհրդակցության մասնակիցներին շիեիչ և հետաքրքրական մի պեկուցում տվեց նաև ՄԱԿ-ի գլխավոր քարտուղարի պինաթափման հարցերի գծով տեղակալ Յան Մարտինսոնը:

Եվրոպական Եկեղեցիների Կոնֆերանսն իր խորհրդակցությունն ավարտեց մայիսի 31-ին, երեքշաբթի օրը, աշխատանքային ե-

րեք խմբերի արդյունավետ աշխատանքներից հետո: Նույն օրը, երեկոյան, լիագումար նիստում խորհրդակցությունն ընդունեց պաշտոնական երկու փաստաթղթեր՝ մի հաղորդագրություն և մի հուշագիր:

Խորհրդակցության ընթացքում առաջ քաշված բոլոր հարցերում շեշտվում էր արևմուտքում, արևելքում, հյուսիսում և հարավում եղբայրության, համագործակցության, վստահության, արգարության, խաղաղության հաստատման, ինչպես նաև Եվրոպայի միջուկային կենքից կերծ պահելու անհրաժեշտությունը:

Հաղորդագրության մեջ նշված է, որ խորհրդակցությունը, դիմելով ԵԵԿ-ի անդամ բո-

լոր Եկեղեցիներին, խնդրում է այսուհետև ևս եկեղեցական արարողությունների ժամանակ աղոթել խաղաղության համար, գործով պաշտպանել վիճաբանության ուղղությամբ պետությունների գործադրած ջանքերը և ամեն ճիգ ի գործ դնել՝ ապահովելու համար վստահությամբ և համագործակցությամբ ձեռք բերվելիք ամեն մի անհատի և բոլորի անվտանգությունը:

Մոսկվայում գումարված Եվրոպական Եկեղեցիների Կոնֆերանսի սույն խորհրդակցությունն իր ընդունած կարևոր որոշումներով հանդիսացավ արժեքավոր մի ներդրում ԵԵԿ-ի առաջիկա 9-րդ համաժողովի նախապատրաստման ճանապարհին:

